



TOSHKENT DAVLAT YURIDIK UNIVERSITETI REKTORINING B U Y R U G ' I

02.11.2022

277-tm-son

Dars mashg'ulotlariga qatnashishga ruxsat berish to'g'risida

O'zbekiston Respublikasi Prezidentining 2022-yil 15-iyundagi "Davlat oliy ta'lim muassasalariga o'qishga qabul qilish jarayonlarini tashkil etish to'g'risida"gi PQ-279-son qarori hamda "2022/2023 o'quv yili uchun davlat oliy ta'lim muassasalariga o'qishga qabul qilishning davlat buyurtmasi parametrlari to'g'risida"gi F-60-son farmoyishi, O'zbekiston Respublikasi Vazirlar Mahkamasining 2020-yil 26-avgustdagi 513-son qarori bilan tasdiqlangan Toshkent davlat yuridik universiteti magistraturasiga O'zbekiston Respublikasi fuqarolarini o'qishga qabul qilish tartibi to'g'risidagi nizomga asosan hamda O'zbekiston Respublikasi davlat oliy ta'lim muassasalariga o'qishga qabul qilish jarayonlarini muvofiqlashtirish bo'yicha Davlat komissiyasining 2022-yil 31-avgustdagi 3-son bayoni ijrosini ta'minlash maqsadida,

BUYURAMAN:

1. 2022/2023 o'quv yilida tabaqalashtirilgan to'lov-kontrakt asosida o'qish istagini bildirib ariza bilan murojaat qilgan va ma'lum miqdorda to'lovni amalga oshirgan ilovada ro'yxati keltirilgan abituriyentlarga Toshkent davlat yuridik universiteti magistraturasi dars mashg'ulotlariga qatnashishga ruxsat berilsin hamda ularga 50 foiz to'lovni amalga oshirganlaridan so'ng talabalar safiga qabul qilinishi tushuntirilsin.

2. Talabalarga xizmat ko'rsatish bo'limi (S.Rajabboyev):
abituriyentlar tomonidan to'lovlar belgilangan miqdorda amalga oshirilishi bo'yicha zarur choralarni ko'rsin;

talabalar safiga qabul qilish to'g'risida TDYU rektori buyrug'ini rasmiylashtirish uchun 50 foiz to'lovni amalga oshirgan abituriyentlar haqidagi ma'lumotlarni tizimli ravishda Qabul jarayonini tashkil etish bo'limiga (B.Avazov) taqdim etib borsin.

3. Magistratura va sirtqi ta'lim fakulteti (A.Babadjanov):
ushbu buyruqning 1-bandiga asosan dars mashg'ulotlariga qatnashishga ruxsat berilgan abituriyentlar tomonidan to'lovlar o'z vaqtida amalga oshirilishini;

abituriyentlar tomonidan taqdim etilgan hujjatlarning to'liqligi va to'g'riligini tekshirgan holda qabul qilinishini;

har bir abituriyentning shaxsiy yig'ma jildi shakllantirilishi va ularning saqlanishini tashkil etsin.

4. Devonxona (X.Abdullayev) mazkur buyruqni manfaatdor tarkibiy bo'linmalarga yetkazsin.

5. Ushbu buyruqning ijrosini nazorat qilishni o'z zimmamda qoldiraman.

Rektor



A.TASHKULOV

Toshkent shahar

Kiritildi:

Bo'lim boshlig'i

B.AVAZOV



Kelishildi:

Xalqaro hamkorlik va uzluksiz ta'lim
bo'yicha prorektor

D.UMAROV



O'quv ishlari bo'yicha prorektor -
TDYuU qoshidagi akademik litsey
direktori

I.RUSTAMBEKOV



Boshqarma boshlig'i

S.BOZAROV



Bo'lim boshlig'i

S.RAJABBOYEV



yuriskonsult

D.ALIBOYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

A.BABADJANOV



Buyruq bilan tanishdim

B.AVAZOV

